

資治通鑑今註卷第二十九

司馬光編集
趙鐵寒註

漢紀二十一 起上章後餘，盡省漢因教。凡九年（廣成至王子。西元前四一年至西元前三三年）

孝元皇帝下

永光三年 西元前四一年

（一）春，二月，馮奉世還京師，更爲左將軍，賜爵關內侯。

（二）三月，立皇子康爲濟陽王^①。

（三）夏，四月，平昌考侯^②王接薨。

（四）秋七月，壬戌（按是年七月甲申朔初九日壬辰十九日壬寅廿九日壬子又初三日丙

戌十五日戊戌廿七日庚戌月中無壬戌此必有誤）以平恩侯許嘉爲大司馬^③、車騎將軍。

（五）冬，十一月，己丑（初八日）^④地震，雨水。

（六）復鹽鐵官。置博士弟子員千人^⑤。以用度不足，民多復除，無以給中外繇役故也。

【註】

① 濟陽王：漢郡有濟陰無濟陽。陳留郡雖有濟陽縣，在今河南省蘭封縣，與諸侯王以郡建國之例不合。惟濟陽王

康，由濟陽王徙山陽王，又徙爲定陶王，定陶亦縣而非郡。以後例前，或開國之濟陽，卽陳留郡濟陽縣，亦未可知。

◎平昌侯：平昌，縣名，屬北海郡。宣帝地節三年始封。食邑六百戶。傳四世，歷時八十四年，王莽時失國。光武卽位，又復其爵，爾後不詳。

◎七月壬戌：按是年七月甲申朔，月內有壬辰（初九日）壬寅（十九日）壬子（二十九日）無壬戌。通鑑作壬戌自百官表照錄而來，不詳其致誤之由，存疑而已。

◎大

司馬：官名，常爲大將軍、驃騎將軍、車騎將軍之加官。或亦專置大司馬，代替太尉。官階比丞相。掌武事及大征伐。

◎復鹽鐵官，置博士弟子員千人：罷鹽鐵官及博士弟子不限員，事在本書二十八卷元帝初元五年，至此才四年，又復之。博士弟子員仍同前以千人爲限。

四年

四元前
四〇年

（一）春，二月，赦天下。

（二）三月，上行幸雍，祠五畤。

（三）夏，六月，甲戌（二十六日）孝宣園東闕災。

（四）戊寅（三十日）晦，日有食之。上於是召諸前言日變在周堪、張猛者責問，皆稽首謝。因下詔稱堪、猛之美，徵詣行在所，拜爲光祿大夫，秩中二千石，領尙書事。猛復爲太中大夫，給事中。中書令石顯、尙書五人皆其黨也，堪希得見，常因顯白事，事決顯口。會堪疾瘖，不能言而卒。顯誣譖猛，令自殺於公車。

(五)初貢禹奏言，孝惠、孝景廟^②皆親盡^③，宜毀；及郡國廟，不應古禮，宜正定^④。天子是其議。秋，七月，戊子(初十日)罷昭靈后、武哀王、昭哀后、衛思后、戾太子、戾后園^⑤，皆不奉祠，裁^⑥置吏卒守焉。冬，十月，乙丑(十九日)罷祖宗廟在郡國者^⑦。(六)諸陵分屬三^⑧輔。以渭城壽陵亭部原上爲初陵^⑨。詔勿置縣邑及徙郡國民^⑩。

【註】

①雍：縣名，屬右扶風，本秦舊都，在今陝西省鳳翔縣。

②孝宣園：宣帝陵園，在今長安東南，藍田道上。

③晦：每月最後一日曰晦。是月己酉朔，戊寅爲三十日，故曰晦。

④責問前言日變在周堪張猛者

：周堪已左遷河東太守，張猛左遷槐里令，而仍有日食，故責前言者。

⑤稽首謝：稽首啓，稽首、叩頭。

謝，認錯請罪。

⑥詣行在所：詣、到、行在所；皇帝出巡所在地曰行在所。

⑦筦：同「管」，又與

「幹」通。漢書劉向傳作：「中書令石顯幹尙書。」

⑧瘖：喉嚨啞。醫學上謂之失音症。

⑨孝惠孝

景廟：惠帝景帝廟。

⑩親盡宜毀：古禮天子七廟，祖與宗兩廟而外，以血統之親專廟奉祀者，不得過五。

如祖宗有功於社稷，應祀者多，則百世不毀者可加至三廟，以血統之親專廟奉祀者，則減爲四廟。惟祖宗之中，孰爲親盡宜毀，則爲爭論不決之問題。名儒貢禹、韋玄成、匡衡、劉歆等，皆有主張，互有不同。可參看漢書韋玄成傳。

⑪郡國廟不應古禮宜正定：漢爲維繫人心，於先皇曾巡幸之郡國，及諸侯王國，各立祖宗廟。惠帝時立太祖廟，景帝時加太宗(即文帝)廟。宣帝時又加世宗(即武帝)廟。立廟之郡國計六十八處，合計一百六十

也。京師又有高祖、惠帝、文帝、景帝、武帝、昭帝、宣帝、太上皇（高祖之父）悼皇考（即史皇孫。宣帝之父。元帝之祖父。武帝之孫）九廟，合天下計一百七十六所。

太子、戾后園：昭靈后、高祖之母。武哀王、高祖之兄。昭哀后、高祖之姊。衛思后、武帝之后、元帝之高祖母。戾太子、武帝之子，元帝之曾祖父。戾后、戾太子之妻，元帝之曾祖母。

⑤裁：同「縷」。

⑥罷

祖宗廟在郡國者：元帝時合天下郡國廟計之，一歲中祠祭與上食（如五月嘗麥，十月嘗稻，三伏立秋嘗黍。八月先夕饋飧等曰上食）凡二萬四千四百五十五次。諸廟及陵園用衛士四萬五千一百二十九人。讀祝宰牲養樂者又一萬二千一百四十七人，飼養犧牲之人，尚不在內。其糜費之大，實足驚人。故諸儒競言裁減，至是除京師外皆罷。⑦諸陵分屬三輔：諸帝陵園，直屬於中央之太常，破壞地方行政之完整。至是改爲分屬於所在之地方。初陵：元帝自營之陵寢，元帝未崩，陵無定名，故以初陵名之。⑧詔勿置縣邑及徙郡國民：就諸帝陵寢置縣邑，計三輔境內以陵名之縣，多屬漢陵，皆徙天下郡國富豪之民居之。如高祖長陵五萬五十七戶。武帝茂陵六萬一千八十七戶，皆自他處以詔令強迫遷來者。

五年 西元前三九年

（一）春，正月，上行幸甘泉，郊泰畤。三月，幸河東，祠后土。

（二）秋，潁川○水流，殺人民。

（三）冬，上幸長楊○射熊館。大獵。

(四)十二月乙酉(十六日)毀太上皇、孝惠皇帝寢廟園^㉔，用章玄成等之議也。

(五)上好儒術文辭，頗改宣帝之政；言事者多進見，人人以爲得上意。又傳昭儀^㉕及子濟陽王康愛幸，逾^㉖於皇后、太子。太子少傅^㉗匡衡上疏曰：「臣聞治亂安危之機，在乎審^㉘所用心。蓋受命之王^㉙，務在創業垂統，傳之無窮；繼體之君^㉚，心存於承宣先王之德，而褒大其功。昔者成王之嗣位，思述文武之道，以養其心，休烈盛美^㉛歸之二后^㉜，而不敢專其名。是以上天歆享^㉝，鬼神祐焉^㉞。陛下聖德天覆^㉟，子愛海內；然而陰陽未和，姦邪未禁者，殆議者未丕^㊱揚先帝之盛功，爭言制度不可用也，務變更之，所更或不可行，而復復之^㊲；是以羣下更相是非，吏民無所信。臣竊恨國家釋樂成之業，而虛爲此紛紛也！願陛下詳覽統業之事，留神於遵制揚功，以定羣下之心。詩大雅曰：『無念爾祖，聿修厥德^㊳，』蓋至德之本也。傳曰：『審好惡，理情性，而王道畢矣。』治性之道，必審已之所有餘，而彊其所不足；蓋聰明疏通者戒於太察^㊴，寡聞少見者戒於壅蔽^㊵，勇猛剛彊者戒於太暴，仁愛溫良者戒於無斷^㊶，湛靜安舒者戒於後時^㊷，廣心浩大者戒於遺忘^㊸；必審已之所當忘，而齊之以義，然後中和之化應，而巧僞之徒不敢比周而望進。唯陛下戒之！所以崇聖德也。臣又聞：室家之道脩，則天下之理

得，故詩始國風，禮本冠婚。始乎國風，原情性以明人倫也；本乎冠婚，正基兆以防未然也。故聖王必慎妃后之際^①，別適長之位^②。禮之於內也，卑不踰尊^③，新不先故，所以統人情，而理陰氣也。其尊適而卑庶也，適子冠乎阼^④，禮之用醴^⑤，衆子不得與列，所以貴正體，而明嫌疑也。非虛加其禮文而已，乃中心與之殊異，故禮探其情而見之外也。聖人動靜游燕^⑥所親，物得其序，則海內自脩^⑦，百姓從化。如當親者疏，當尊者卑，則佞巧之姦，因時而動，以亂國家。故聖人慎防其端，禁於未然，不以私恩害公義。傳曰：『正家而天下定矣。』」

(六)初，武帝既塞宣房^⑧，後河復北決於館陶^⑨，分爲屯氏河^⑩，東北入海，廣深與大河等，故因其自然，不隄塞也，是歲，河決於清河靈鳴犢口^⑪，而屯氏河絕。

【註】

① 潁川：郡名。治陽翟，在今河南省禹縣。

② 長楊：宮名，本秦舊宮，漢修葺擴充之。在今陝西省整屋縣。

③ 孝惠皇帝：惠帝。

④ 昭儀：宮中女官名，在婕妤上。位比丞相，爵比諸侯王。

⑤ 逾

⑥ 越過。

⑦ 太子少傅：官名。官階二千石。掌輔導太子。

⑧ 審：慎重。

⑨ 受命之王：始受天

命之王，即開國之君。

⑩ 繼體之君：即繼統襲位之主。

⑪ 休烈：美好之功業。

⑫ 后：王。

④敬享：神靈接受祭祀曰敬享。

⑤祐：同「佑」。

⑥覆：音C X。庇佑蒙蓋。

⑦丕：義與

大同。

⑧而復復之：上復動詞義爲又。下復名詞義爲還原。

⑨無念爾祖，聿修厥德：無與「勿」同

。「勿念爾祖」爲古文中之反語，義爲「豈能不念爾祖。」聿義爲繼承。修爲修明。厥德爲其德。

⑩太察

：苛求人短。

⑪壅蔽：不通曰壅。有所遮掩曰蔽。

⑫無斷：優游寡斷。

⑬後時：遲緩失去時

機。

⑭遺忘：掛一漏萬。

⑮際：分際。

⑯適：同「嫡」。嫡者正妻。嫡妻之長子曰嫡長。

⑰踰：同「逾」。見本年第④註。

⑱阼：堦之中心。

⑲醴：甜酒。卽今之帶糟米酒。

⑳燕：

同「宴」。安閑自在。

㉑脩：修字古文。

㉒宣房：宮名：武帝元封二年，堵塞瓠子河，築宮其上，

曰宣房。在今河北省濮陽縣。

㉓館陶：縣名，屬魏郡。在今山東省館陶縣。

㉔屯氏河：黃河自館陶

別出北走，至今河北省滄縣以北青縣以南入海，曰屯氏河。隋朝誤屯爲毛，曰毛氏河，並於館陶置毛州，後世間承其誤，此不別古文毛屯二字書法之過。大謬。

㉕清河、靈、鳴犢口：清河、郡名，治清河，今河北省清

河縣。靈、縣名，今山東省夏津縣。鳴犢口、鳴犢河名，在靈縣西。鳴犢口，卽鳴犢河口。

建昭元年

西元前三十八年

(一)春，正月，戊辰(二十八日)。隕石於梁①。

(二)三月，上行幸雍，祠五畤。

(三)冬河間王②元，坐賊殺不辜廢，遷房陵③。

(四) 罷孝文太后寢祠園^④。

(五) 上幸虎圈^⑤，鬪獸，後宮皆坐；熊逸^⑥出圈，攀檻欲上殿，左右、貴人、傅健仔等皆驚走；馮健仔直前，當^⑦熊而立。左右格^⑧殺熊。上問：「人情驚懼，何故前當熊？」健仔對曰：「猛獸得人而止。妾恐熊至御坐，故以身當之。」帝嗟嘆，倍敬重焉。傅健仔慚，由是與馮健仔有隙^⑨。馮健仔，左將軍奉世之女也。

【註】

④ 梁：郡名。梁王封國，治碭縣。今江蘇省碭山縣。

⑤ 河間王：河間，郡名。河間王封國，治樂成縣，今

河北省獻縣。河間王景帝二年始封。傳七世八王，歷時一六四年，王莽即位廢。

⑥ 房陵：縣名，在今湖北

省房縣。

⑦ 孝文太后：文帝母，即高祖姬薄氏。

⑧ 格：晉奢。養獸之柵室。

⑨ 逸：逃跑。

⑩ 健仔：宮中女官名。堦在昭儀下，位視上卿，爵比列侯。

⑪ 當：同「擋」。

⑫ 格殺：擊殺。格爲

「格」之假借字。

⑬ 隙：嫌怨。

二年

西元前
三七年

(一) 春，正月，上行幸甘泉，郊泰畤。三月，行幸河東，祠后土。

(二) 夏，四月，赦天下。

〔三〕六月，立皇子興爲信都王①。

〔考異〕荀紀興作譽今從漢書

〔四〕東郡②京房，學易於梁人焦延壽。延壽常曰：「得我道以亡身者，京生也③。」

其說長於災變，分六十卦，更直日用④事，以風雨寒溫爲候⑤，各有占驗。房用之尤精，以孝廉爲郎⑥。上疏屢言災異，有驗。天子說⑦之，數⑧召見問。房對曰：「古帝王以功舉賢，則萬化成，瑞應著；末世以毀譽取人，故功業廢，而致災異。宜令百官各試其功，災異可息。」詔使房作其事、房奏考功課吏⑨漣。上令公卿朝臣，與房會議溫室⑩，皆以房言煩碎，令上下相司⑪，不可許。上意鄉之⑫。時部刺史⑬奏事京師⑭，上召見諸刺史，令房曉⑮以課事，刺史復以爲不可行；唯⑯御史大夫鄭弘、光祿大夫周堪，初言不可，後善之。是時中書令石顯⑰顯權，顯友人五鹿充宗爲尙書令，二人用事、房嘗宴⑱見，問上曰：「幽、厲⑲之君何以危？所任者何人也？」上曰：「君不明，而所任者巧佞⑳。」房曰：「知其巧佞而用之邪㉑？將以爲賢也？」上曰：「賢之。」房曰：「然則今何以知其不賢也？」上曰：「以其時亂而君危，知之。」房曰：「若是，任賢必治，任不肖㉒必亂，必然之道也。幽、厲何不覺悟而更求賢？曷㉓爲卒㉔任不肖以至於是？」上曰：「臨亂之君，各賢其臣，令皆覺寤㉕，天下安得危亡之君。」房曰：

「齊桓公、秦二世，亦嘗聞此君^㉔而非笑之；然則任豎刁^㉕、趙高^㉖，政治日亂，盜賊滿山，何不以幽、厲卜^㉗之而覺寤乎？」上曰：「唯有道者，能以往知來耳。」房因免冠頓首曰：「春秋紀二百四十二年災異，以示萬世之君；今陛下卽位以來，日月失明，星辰逆重，山崩、泉湧、地震、石隕、夏霜、冬露^㉘、春凋、秋榮、隕霜不殺^㉙、水旱、螟蟲、民人饑疫、盜賊不禁、刑人^㉚滿市，春秋所記災異盡備；陛下視今爲治邪？亂邪？」上曰：「亦極亂耳，尙何道！」房曰：「今所任用者誰與？」〔考異〕故資政殿學士邵元，得南齊錢王勰本漢書無「亂邪」二字，有上曰：「亦極亂耳，尙何道！」房曰：今十二字，今取之。」上曰：「然，幸其愈於彼，又以爲不在此人也。」房曰：

「夫前世之君亦皆然矣；臣恐後之視今，猶今之視前也。」上良久乃曰：「今爲亂者誰哉？」房曰：「明主宜自知之！」上曰：「不知也；如知，何故用之！」房曰：「上所最信任，與圖事帷幄^㉛之中，進退天下之士者是矣。」房指謂石顯，上亦知之，謂房曰：「已諡^㉜。」房罷出。後上亦不能退顯也。

臣光曰：「人君之德不明，則臣下雖欲竭忠何自而入乎！觀京房所以曉孝元，可謂明白切至矣，而終不能寤，悲夫！詩曰：『匪面命之，言提其耳；匪手攜之，言示之事。』」

又曰：「誨爾諄諄，聽我藐藐^㉝。」孝元之謂矣。」

(五)上令房，上弟子曉知考功課吏事者，欲試用之。房上中郎^⑤任良、姚平、願以爲刺史，試考功灋；臣得通籍殿^⑥中，爲奏事，以防壅塞^⑦。石顯、五鹿充宗，皆疾^⑧房，欲遠之。建言，宜試以房爲郡守。帝於是以房爲魏郡^⑨太守，得以考功灋治郡。房自請，歲竟乘傳奏事^⑩，天子許焉。房自知數以論議爲大臣所非，與石顯等有隙，不欲遠離左右，乃上封事^⑪曰：「臣出之後，恐爲用事所蔽，身死而功不成，故願歲盡乘傳奏事，蒙哀見許；乃辛巳^⑫蒙氣復乘卦，太陽侵色，此上大夫覆陽^⑬，而上意疑也；己卯庚辰^⑭之間，必有欲隔絕臣，令不得乘傳奏事者。」房未發，上令陽平侯王鳳^⑮，承制詔房，止無乘傳奏事，房意愈恐。秋，房去至新豐，因郵^⑯上封事，曰：「臣前以六月中言遯卦不効，灋曰：『道人始去，寒，涌水爲災。』至其七月，涌水出。臣弟子姚平謂臣曰：『房可謂知道，未可謂信道也。房言災異未嘗不中^⑰，涌水已出^⑱道人當逐死，尙復何言！』臣曰：『陛下至仁，於臣尤厚，雖言而死，臣猶言也。』平又曰：『房可謂小忠，未可謂大忠也；昔秦時，趙高用事，有正先^⑲者，非刺^⑳高而死，高威自此成，故秦之亂，正先趣之。』今臣得出守郡，自詭^㉑効功，恐未効而死；惟^㉒陛下毋使臣塞^㉓涌水之異，當正先之死，爲姚平所笑！」房至陝^㉔，復上封事，曰：「臣前白^㉕，願出任良，

試考功，臣得居內。議者知如此於身不利，臣不可蔽，故云『使弟子不若試師。』臣爲刺史，又當奏事，故復云『爲刺史恐太守不與同心，不若以爲太守。』此其所以隔絕臣也。陛下不違其言，而遂聽之，此乃蒙氣所以不解，太陽無色者也。臣去稍遠，太陽侵色益甚，願陛下毋難還臣，而易逆天意！邪說雖安于○，天氣必變；故人可欺，天不可欺也，願陛下察焉！」房去月餘，竟徵下獄。初淮陽憲王○舅張博，傾巧無行○，多從王求金錢，欲爲王求入朝。博從京房學，以女妻房。房每朝見，退輒爲博道其語，博因記房所說密語，令房爲王作朝奏草，皆持東○與王，以爲信驗。石顯知之，告房與張博通謀，非謗政治，歸惡天子○，誣誤諸侯王。皆下獄棄市○，〔考異〕元紀及荀紀，京房死，皆在此年末。按房傳二月末上封事，去月餘徵下獄，百官表八月癸亥，匡衡爲御史大夫房死必不在歲末者，紀不與月日故繫之歲末耳。妻子徙邊○。鄭弘坐與房善，免爲庶人。御史中丞○陳咸，數毀石顯，久之，坐與槐里令朱雲善，漏泄省中語，石顯微伺知之，與雲皆下獄，髡爲城旦。石顯威權日盛，公卿以下畏顯，重足一迹○。顯與中書僕射牢梁少府五鹿充宗結爲黨友，諸附倚者皆得寵位。民歌之曰：「牢邪！石邪！五鹿客邪！印何累累，綬若若邪！」○「顯內自知擅權，事柄在掌握，恐天子一旦納用左右耳目以間已，乃時歸誠，取一信以爲驗。顯嘗使至諸官○，有所徵發，顯先自白：恐後漏盡○官門

閉，請使詔吏開門，上許之。顯故授^⑤夜還，稱詔開門入。後果有上書告顯顛命，矯詔開宮門。天子聞之笑，以其書示顯。顯因泣曰：「陛下過私^⑥小臣，屬任以事，羣下無不嫉妬，欲陷害臣者，事類如此非一，唯獨明主知之。愚臣微賤，誠不能以一軀稱快萬衆^⑦，任天下之怨！臣願歸樞機職，受後宮掃除之役，死無所恨！唯陛下哀憐財幸，以此全活小臣！」天子以爲然而憐之。數勞勉顯，加厚賞賜，賞賜及賂遺譬一萬萬^⑧。初顯聞衆人匈匈^⑨，言已殺前將軍蕭望之；恐天下學士訕己^⑩，以諫大夫貢禹，明經著節乃使人致意，深自結納，因薦禹天子，歷位九卿，禮事之甚備。議者於是或稱顯，以爲不妬譖望之矣。顯之設變詐，以自解免，取信人主者，皆此類也。

荀悅曰：「夫佞臣之惑君主也甚矣！故孔子曰：『遠佞人！』非但不用而已，乃遠而絕之，隔塞其源，戒之極也。孔子曰：『政者，正也。』夫要道之本，正己而已矣；平直真實者，正之主也。故德必核其真，然後授其位，能必核其真，然後授其事；功必核其真，然後授其賞；罪必核其真，然後授其刑；行必核其真，然後貴之；言必核其真，然後信之；物必核其真，然後用之；事必核其真，然後修之。故衆正積於上，萬事實於下，先王之道如斯而已矣。」

(六)八月，癸亥（初三日）以光祿勳匡衡爲御史大夫。

(七)閏月，丁酉（初八日）太皇太后上官氏崩。

(八)冬，十一月，齊、楚地震。大雨雪，樹折、屋壞。

【註】

①信都王：信都郡名。治信都。在今河北省冀縣。信都王立十五年徙爲中山王，傳二世，歷時三十六年。元壽二年嗣王箕子立爲平帝，國除。

②東郡：郡名。治濮陽。在今河北省濮陽縣。按漢書房傳，房東郡頓丘人：

頓丘在今河北省清豐縣。此作東郡，簡言之。

③生：稱謂名詞，其義有二：一爲師稱弟子曰「生」，即學生後生之簡稱；一爲尊稱有道之士曰「生」，即先生之簡稱。此處稱呼，屬於前者。

④更直日用事：更謂

替換。直同「值」。值日即當日。此言六十卦更替值日行事。

⑤以風雨寒溫爲候：此種值日行事，以風雨

寒溫氣象之變化爲徵驗。

⑥以孝廉爲郎：孝廉舉科名之一。郎，中央中級官吏以郎名者之總稱。官增約

自三百石至六百石。

⑦說同「悅」。

⑧數：讀朔。再三曰數。

⑨考功課吏法：考核官吏工作功過，

課定成績優劣方法，即今之考績法。

⑩溫室：殿名。武帝建。冬處之溫煖，故曰溫室。

⑪上下相司：

司與伺同。義爲偵察。上下互相偵察。

⑫鄉：與傾嚮之「嚮」同。

⑬部刺史：官名。武帝元封五年初

置部刺史。官增六百石，後更名州牧，增秩爲二千石。掌周行所屬郡國，省察治狀，黜陟官吏，並聽斷冤獄。

⑭奏事京師：每一年之末，諸州刺史，親至京師，上奏巡察經過。

⑮曉：曉諭，說明。

⑯唯：同

「惟」。

⑤顯：同「專」。

⑥宴見：宴同「燕」。宴見，京房於元帝安閑時進見。

⑦幽厲之

君：西周幽厲二王。

⑧佞：僞善諂媚。

⑨邪：卽「耶」字疑問詞。

⑩不肖：子不似其父謂之不肖。

引申凡稱不賢之人皆曰不肖。

⑪曷爲：曷與「何」同。曷爲卽「何以」。疑問詞。

⑫卒：終。

⑬寤：同「悟」。

⑭亦嘗聞此君：漢書京房傳補注，據太平御覽所引，君字上有「二」字，「此二君」指周幽厲二君言，語意較此完足。

⑮幽厲二君言，語意較此完足。

⑯豎刁：齊桓公佞臣之一。桓公生時，甚見寵任，及桓公卒，乃與易牙開

方結合以亂齊國。

⑰趙高：秦權臣，指鹿爲馬，亂秦政，弑二世。

⑱卜：字取灼龜甲坼裂紋形，就

紋形以斷吉凶。此處用爲測驗意。

⑲免冠頓首：摘除帽子叩頭，表示罪大惶悚之至。

⑳雷：同「雷」。

㉑古字繁文。

㉒春凋、秋榮、隕霜不殺：春日草木應榮而反凋。秋令應凋而反榮。冬令隕霜應殺草木而

反不殺。皆時令之反常，表示陰陽錯亂。

㉓刑人滿市：受過刑的人充滿市街。

㉔與：同「歟」。疑

問詞。

㉕帷幄：帳幕，本爲軍用專詞，擴充爲房屋意。

㉖諭：同「噓」。

㉗匪面命之，言提

其耳：與下二句皆詩經大雅抑章之句。今用爲「耳提面命」。

㉘誨爾諄諄，聽我藐藐：此亦抑章句。誨：教

導。諄諄：懇切叮嚀。藐藐：音秒。輕忽不在意。

㉙中郎：官名，屬光祿勳。官階比六百石。掌侍衛守門

戶，出充車騎。

㉚通籍殿中：受公卿奏事，通籍殿中，侍御史之職。

㉛壅塞：隔阻曰壅。堵絕曰塞

。㉜疾：同「嫉」。

㉝魏郡：治鄴。在今河南省臨漳縣

㉞乘傳奏事：乘傳：驛站供應官更因

公出行之馬車。歲竟乘傳至京師奏事，本刺史之職，京房以太守請准特許，防備石顯等梗阻播弄。

㉟封事

：渢制，臣下奏事，皂囊封板，以防洩露，故謂之封事。

㊱辛巳：漢書京房傳，載此封事上於二月朔。補

注引錢大昕說，以爲二月當作三月。辛巳爲二月十八日。

⑤ 覆陽：遮蔽曰覆。陽謂太陽，比作天子。

⑥ 已卯庚辰：依錢大昕說，當爲二月十六日十七日。

⑦ 陽平侯：陽平縣名，屬東郡，今山東省莘縣。陽平

侯食邑八千戶，傳五世，歷時七十四年乃絕。

⑧ 新豐：縣名。屬京兆。卽今陝西省臨潼縣新豐鎮，去長安

百里。

⑨ 中：同「仲」。

⑩ 涌水已出：涌與「湧」同。漢書京房傳，涌

水上有「今」字，語意較此完足。

⑪ 正先：人名。姓正名先。

⑫ 非刺：非同「誅」。非刺義爲攻擊

。刺從束從刀，與「刺」字不同。

⑬ 自誑：自責。

⑭ 惟：此處用作祈求之意。

⑮ 塞：當。

⑯ 陝：縣名。屬弘農郡。今河南省陝縣。字從阜從大從雙人，今作從人從大從雙人，成爲陝字誤。

⑰ 前白

：以前請求。

⑱ 毋難違臣，而易逆天意：不要難於召臣還，而輕易拂逆天意。

⑲ 淮陽憲王：淮陽、

郡名。治陳。今河南省淮陽縣。淮陽王傳三世，歷時八十二年國絕。憲王名欽，元帝之弟。

⑳ 傾巧無行：

傾巧、奸詐。無行、無品德。

㉑ 持東：拿回東方。淮陽在長安之東。

㉒ 註誤：註、同望。晉卦。註

誤、欺騙。

㉓ 棄市：古法「刑人於市，與衆棄之」，故處死曰棄市。

㉔ 徙邊：古五刑中之流刑，明

代以後籠統名之曰充軍。

㉕ 御史中丞：官名，官階千石。職掌佐御史大夫。

㉖ 重足一迹：重音虫。迹同

「跡」。言公卿畏顯，走路不敢錯脚步，重疊起來，兩足留一跡。

㉗ 若若：音熟。下垂而長曰若若。

㉘ 諸官：泛指諸官等而言。

㉙ 漏盡：漏爲古代利用水漏之計時器，名曰漏刻或刻漏。漏盡則一日盡，時當

午夜，以下入於次日。

㉚ 投夜：入夜。

㉛ 私：寵愛。

㉜ 稱快萬衆：使萬人稱快。石顯言，

不能積怨一身，使世人皆快意。

㉝ 賂遺誓一萬萬：賂音路。遺音位。誓同「資」。贈與曰賂遺。此言賈賜

及贈與之財物值一萬萬。

⑤ 匈匈：同洶洶。本爲形容波濤滾滾之詞，借用形容人多騷動不安現象。

⑥ 訕：謗議。

三年

西元前
三十六年

(一) 夏，六月，甲辰(十九日)，扶陽共侯⑤韋玄成薨。

(二) 秋，七月，匡衡爲丞相。戊辰(十四日)衛尉李延壽爲御史大夫。

(三) 冬，使西域都護、騎都尉⑥北地⑦甘延壽，副校尉山陽⑧陳湯，共誅斬郅支單于於康居⑨。始郅支單于自以大國，威名尊重，又乘勝驕⑩，不爲康居王禮，怒殺康居王女⑪，及貴人、人民數百，或支解投都賴水中；發民作城，日作五百人，二歲乃已。又遣使責闐蘇⑫、大宛⑬諸國歲遣⑭，不敢不予。漢遣使三輩至康居，求谷吉等⑮死，郅支困辱使者，不肯奉詔；而因⑯都護上書言，居困厄，願歸計⑰疆漢，遣子入侍。其驕慢⑱如此。湯爲人沈勇有大慮，多策略，喜奇功，與延壽謀曰：「夷狄畏服大種，其天性也。西域本屬匈奴，今郅支單于威名遠聞，侵陵烏孫、大宛，常爲康居畫計，欲降服之；如得此二國，數年之間，城郭諸國危矣；且其人剽悍⑲，好戰伐，數取勝，久畜之，必爲西域患！雖所在絕遠，蠻夷無金城疆弩之守⑳，如發屯田吏士，毆從烏孫衆兵，直